



XALQ DEPUTATLARI KOSON TUMAN KENGASHI

Q A R O R I

2023 - yil 30 - dekabr

VI-98-260-4-60-K/23

Koson tuman hokimligi

Koson tumanining 2024-yilgi mahalliy budjetini tasdiqlash to'g'risida

O'zbekiston Respublikasi Budjet kodeksining 99-moddasi, "2024-yil uchun O'zbekiston Respublikasining Davlat budjeti to'g'risida"gi 2023 yil 25 dekabrda O'RQ-886-son Qonuni asosida O'zbekiston Respublikasi Iqtisodiyot va Moliya Vazirligining 2023-yil 25-dekabrda 01/30-2-10346-sonli xatiga hamda Xalq deputatlari Qashqadaryo viloyat Kengashi qaroriga muvofiq, O'zbekiston Respublikasining "Mahalliy davlat hokimiyati to'g'risida"gi Qonunining 6- va 24-moddalariga asosan xalq deputatlari tuman Kengashi

Q A R O R Q I L D I:

1. O'zbekiston Respublikasining "2024-yil uchun O'zbekiston Respublikasining Davlat budjeti to'g'risida"gi 2023 yil 25-dekabrda O'RQ-886-son Qonuni ijro va rahbarlik uchun qabul qilinsin.

2. O'zbekiston Respublikasining "2024-yil uchun O'zbekiston Respublikasining Davlat budjeti to'g'risida" Qonuniga muvofiq, Koson tuman mahalliy budjetining 2024-yil uchun daromadlari 198 mlrd 435 mln 397 ming so'm, xarajatlari 250 mlrd 598 mln 687 ming so'm prognoz qilinganligi hamda viloyat budjetidan ajratiladigan tartibga soluvchi budjetlararo transfertlar 52 mlrd 163 mln 290 ming so'm miqdorida tasdiqlanganligi ma'lumot uchun qabul qilinsin.

3. 2024-yil uchun Koson tumanini 2024-yil uchun tuman mahalliy budjeti daromadlari prognozi 1-ilovaga muvofiq ma'lumot uchun qabul qilinsin.

4. Xalq deputatlari tuman Kengashi viloyatlar Xalq deputatlari Kengashi belgilagan yer solig'i stavkasiga nisbatan ularning hududlarida joylashgan daha, massiv, mahalla, ko'cha kesimida yer solig'ini 0,7 koeffitsientgacha kamaytirish yoki 3 koeffitsientgacha oshirish vakolati 2-ilovaga muvofiq ma'lumot uchun qabul qilinsin.

5. 2024-yil uchun tumanning tuman mahalliy budjetidan budjet mablag'larini taqsimlovchilarga ajratiladigan mablag'larning cheklangan miqdorlari 3-ilovaga muvofiq

tasdiqlansin.

6. 2024-yil uchun tumanlar va shaharlar budjetlariga umumdavlat soliqlaridan ajratmalar normativlari 4-ilovaga muvofiq tasdiqlansin.

-Bunda, ajratmalar normativlari bo'yicha viloyat mahalliy budjeti bilan tuman va shaharlar mahalliy budjetlarining taqsimotini o'rnatilgan tartibda Qashqadaryo viloyati bo'yicha G'aznachilik boshqarmasi tomonidan amalga oshirilishi belgilab qo'yilsin.

7. 2024-yil uchun tuman mahalliy budjetlarining daromadlari va xarajatlarining prognozi 5-ilovaga muvofiq ma'lumot uchun qabul qilinsin.

8. 2024-yil uchun viloyat mahalliy budjetidan tuman mahalliy budjetlariga ajratiladigan tartibga soluvchi budjetlararo transfertlar miqdorlari 6-ilovaga muvofiq tasdiqlansin.

-Bunda, tartibga soluvchi budjetlararo transfertlar miqdorini tuman va shahar mahalliy budjetlari daromadlari prognozi ijrosidan qat'iy nazar kamaytirishga yo'l qo'yilmasligi Qonunda belgilab qo'yilganligi ma'lumot uchun qabul qilinsin.

9. 2024-yil uchun tumanning tuman mahalliy budjeti zaxira jamg'armasi hajmlari 2 mlrd 241 mln 816 ming so'm miqdorida belgilansin.

-Tuman mahalliy budjetining 2024-yil uchun zaxira jamg'armasi tegishli budjetini tasdiqlangan umumiy xarajatlarining kamida (jamoatchilik fikri asosida shakllantirilgan tadbirlarni moliyalashtirishga yo'naltiriladigan mablag'dan tashqari) 1,0 foizi miqdorida shakllantirilsin.

-Koson tumani tuman mahalliy budjetining, tuman mahalliy budjetlarini ijro etishda yuqori turuvchi budjetdan ularga ajratiladigan budjetlararo transfertlarning prognozidan oshgan qismi uchun tegishli budjetlarining zahira jamg'armasi miqdoriga aniqlashtirish kiritilmasligi inobatga olinsin.

10. 2024-yil uchun tumanning tuman mahalliy budjetini shaxsiy g'azna hisobvarafiga turishi lozim bo'lgan budjet mablag'larining yo'l qo'yiladigan eng kam miqdori 7-ilovaga muvofiq belgilansin.

11. O'zbekiston Respublikasining mazkur Qonuni bilan 2024-yilda xalq deputatlari Kengashini mahalliy budjetlarni boshqarishda, xususan mahalliy budjet xarajatlarini hududiy budjet mablag'lari taqsimlovchilar kesimida tasdiqlash va ularning Kengash oldidagi hisobdorligini belgilash bo'yicha vakolatlari kengaytirilganligi inobatga olinsin.

-Shuningdek, 2024 yilda quyidagi soliq turlari:

a) tuman mahalliy budjetiga to'liq hajmda o'tkaziladi:

-jismoniy shaxslardan olinadigan mol-mulk solig'i;

-jismoniy shaxslardan olinadigan yer solig'i;

-aylanmadan olinadigan soliq;

-mol-mulkni ijaraga berishdan olinadigan yillik daromad to'g'risidagi deklaratsiyaga asosan jismoniy shaxslar tomonidan to'lanadigan, shuningdek yakka tartibdagi tadbirkorlar tomonidan to'lanadigan jismoniy shaxslardan olinadigan daromad solig'i;

-suv resurslaridan foydalanganlik uchun soliq, bundan elektr stansiyalari tomonidan to'lanadigan soliq mustasno;

-yuridik shaxslardan olinadigan yer solig'i;

-jarimalar;

-noruda qurilish materiallari bo'yicha yer qa'ridan foydalanganlik uchun soliq.

b) tumanning tuman mahalliy budjetiga to'liq hajmda o'tkaziladi:

-tamaki, alkohol mahsulotlari, shu jumladan pivo (import orqali kirgan mahsulotlardan tashqari), shuningdek mobil aloqa xizmatlari uchun aksiz solig'i bo'yicha tushumlar, tegishincha o'tgan moliya yilining 1 oktabr holatiga ko'ra O'zbekiston Respublikasi Prezidenti huzuridagi Statistika agentligidan olingan viloyat aholisi sonining respublika aholisi sonidagi ulushiga muvofiq. Bunda daromadlar bo'yicha prognozning bajarilmagan qismi viloyat budjetiga respublika budjeti mablag'lari hisobidan qoplanadi.

v) viloyat budjeti hamda shahar va tumanlar budjetlari o'rtasida taqsimlanadi:

-jismoniy shaxslardan olinadigan daromad solig'i.

-yuridik shaxslarning mol-mulkiga solinadigan soliq;

-yig'imlar;

-benzinni, dizel yoqilg'isini va gazni yakuniy iste'molchilarga realizatsiya qilishdagi aksiz soliq.

12. Xalq deputatlari tuman Kengashi:

-tegishli darajadagi mahalliy budjetlarga ajratiladigan soliqlarni va boshqa turdagi daromatlarni (shu jumladan ushbu moddaning a), b), va v) qismlarida ko'rsatilgan daromatlarni) hamda budjetlararo transfertlarni taqsimlashga;

-yuridik shaxslarning mol-mulkiga solinadigan soliq, benzinni, dizel yoqilg'isini va gazni yakuniy iste'molchilarga realizatsiya qilishdagi aksiz soliq hamda jismoniy shaxslardan olinadigan daromad solig'i tushumlarini tuman budjetlariga yo'naltirishga;

-daromadlarning prognozini oshirib bajarishdan olingan mablag'larning bir qismini tuman budjetlariga hududni ijtimoiy-iqtisodiy rivojlantirish dasturlarini amalga oshirish uchun berishga;

-Shuningdek, Xalq deputatlari tuman Kengashi tuman ommaviy dam olishga va (yoki) turizmga ixtisoslashtirilgan ayrim hududlarida mol-mulkni ijaraga beruvchi jismoniy shaxslar uchun belgilangan ijara to'lovining eng kam stavkalariga Toshkent shahri uchun belgilangan miqdorlargacha o'sib boruvchi koeffitsiyentlarni joriy etishga haqli ekanligi ma'lumot uchun

qabul qilinsin.

13. Tuman hokimining birinchi o‘rinbosari (X.Nazarov) tuman hokimligi iqtisodiyot va moliya bo‘limi mudiri (SH.Safarov), tuman Davlat soliq inspeksiyaasi (A.Yusupov) tuman hokimligi va mas’ul tashkilotlar bilan birgalikda:

-tegishli budjetlarni birinchi navbatda ish haqi va unga tenglashtirilgan to‘lovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirish;

-mahalliy budjet prognoz ko‘rsatkichlarni o‘z vaqtida va samarali bajarish;

-budjet mablag‘laridan maqsadli va samarali foydalanish;

-budjet intizomiga rioya etilishi ustidan nazorat va mas’uliyatni yanada kuchaytirish;

-tegishli mahalliy budjetlarga soliqlar va boshqa majburiy to‘lovlarning to‘liq tushumini ta’minlash;

-mahalliy budjet daromadlar bazasini oshirish va qo‘shimcha rezervlarni aniqlash zarurligiga alohida e’tibor qaratsin.

14. Tuman davlat soliq inspeksiyasi (A.Yusupov) O‘zbekiston Respublikasi Soliq kodeksida belgilangan vakolatlaridan kelib chiqib:

-soliqlarning to‘liq va to‘g‘ri hisoblanishini hamda ushbu soliqlarni o‘z vaqtida budjetga undirilishi ustidan soliq nazoratini kuchaytirish;

-yer solig‘i, suv resurslaridan foydalanganlik uchun soliq va mol-mulk soliqlari bo‘yicha doimiy tahlillar o‘tkazgan holda, soliqlarni to‘liq hisoblanishini ta’minlash hamda ushbu soliq to‘lovlari bo‘yicha soliq qarzdorligiga yo‘l qo‘ymaslik choralarini ko‘rish;

-aylanmadan soliq turi bo‘yicha soliq to‘lovchilar tomonidan naqd pul aylanmalarining soliq hisobotlarida to‘liq aks ettirilishi ustidan doimiy soliq nazoratini o‘rnatish hamda zarur hollarda xronometraj va kameral soliq nazorati tadbirlarini o‘tkazish;

-Bunda, mazkur yo‘nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ‘ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ‘ibot-tashviquot ishlarini olib borishga alohida e’tibor qaratish;

-xatlov ishlarini samarali tashkil etish orqali yer va mol-mulk solig‘ining soliq bazasini oshirish;

-Kadastr agentligi tuman bo‘limi (O‘.Xaitov) bilan birgalikda tumanda mavjud soliq to‘lovchilarning mol-mulklari maydonlarini chuqur tahlil etgan holda ushbu mol-mulklarga nisbatan soliqlarni to‘liq hisoblanishini ta’minlasin.

15. Tuman davlat soliq inspeksiyasi (A.Yusupov), Kon-geologiya faoliyatini nazorat qilish mintaqaviy inspeksiyasi hamda tuman hokimligi bilan birgalikda:

-noruda qurilish materiallarini qazib olish sohasida noqonuniy faoliyat olib borayotgan karerlarni aniqlash bo'yicha xatlovlar o'tkazish;

-xatlov natijalari bo'yicha aniqlangan noqonuniy faoliyat olib borayotgan karerlar faoliyatini qonuniylashtirish hamda ularni soliq bazasiga qamrab olish;

-noruda qurilish materiallarini qazib olish sohasida faoliyat olib borayotgan karerlar tomonidan qazib olinayotgan noruda qurilish materiallar hajmining soliq hisobotlarida to'liq aks ettirilishi ustidan doimiy nazorat o'rnatish topshirilsin.

-Bunda, ushbu sohada faoliyat olib borayotgan karerlarning qazib olish hajmlarini doimiy tahlil qilib borish hamda zarur hollarda qazib olish hajmlarini aniqlashda mahalliy budjetning qo'shimcha manbalari hisobidan "marksheydrlik" xizmatlaridan foydalanish lozimligi alohida belgilab qo'yilsin.

16. Majburiy ijro byurosi Koson tuman bo'linmasi (X.Gulmanov) tuman soliq inspeksiya boshlig'i (A.Yusupov) bilan hamkorlikda soliqlar va boshqa majburiy to'lovlar bo'yicha mavjud soliq qarzdorliklarini budjetga undirish yuzasidan tegishli choralar ko'rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo'yicha barcha kompleks chora-tadbirlar ko'rib borishni ta'minlasin.

17. Davlat aktivlarini boshqarish agentligi tuman hududiy bo'linmasi, bo'sh turgan obyektlaridan samarali foydalanishni tashkil etish markazining Qashqadaryo viloyat hududiy boshqarmasi boshlig'i (S.Toshev) bilan birgalikda:

-bo'sh turgan davlat mulki obektlarini aniqlash bo'yicha xatlov ishlarini samarali tashkil etish;

-xatlov natijalariga ko'ra tumanda mavjud bo'sh turgan davlat mulki obektlari ro'yxatini shakllantirish;

-shakllantirilgan ro'yxatga asosan bo'sh turgan davlat mulki obektlarini ijaraga berish yoki sotish bo'yicha tegishli takliflar tayyorlash;

-bo'sh turgan davlat mulki obektlarini ijaraga berish yoki sotish bo'yicha ijtimoiy tarmoqlar va ommaviy axborot vositalarida roliklar va video-materiallar tayyorlash;

-xususiylashtirilishi mo'ljallangan bo'sh turgan davlat mulki obektlarini «ye- ijro auksion» maydonchasi orqali sotish ishlarini tashkillashtirsin.

18. Davlat aktivlarini boshqarish agentligi viloyat hududiy boshqarmasi boshlig'i (S.Toshev), tuman soliq inspeksiya boshlig'i (A.Yusupov), tuman iqtisodiyot va moliya bo'limi mudiri (SH.Safarov) davlat korxonalari hamda ustav kapitalida 50 foiz va undan ortiq davlat ulushi mavjud bo'lgan yuridik shaxslar tomonidan 2024-yilning 1-iyuliga qadar 2023-yil yakunlari bo'yicha o'z sof foydasining 50 foizidan kam bo'lmagan miqdoridagi ajratmalar va davlat ulushi bo'yicha dividendlarni 2024- yilning 1-sentabridan kechiktirmay tegishli darajadagi budjetlarga o'tkazilishini ta'minlasin.

19. Monopoliyaga qarshi ko'rashish qo'mitasi viloyat hududiy boshqarmasi (S.Sodiqov)

tuman hokimligi bilan birgalikda tashqi reklama obektlarini to'liq xatlovdan o'tkazgan holda, ushbu tashqi reklama obektlari bo'yicha shartnomalar tuzish choralarini ko'rsin hamda ushbu shartnomalar bo'yicha yig'implarni budjetga to'lanishi ustidan doimiy nazorat o'rnatish.

20. Irrigatsiya tizimlari havza bo'limi boshlig'i (F.Iskandarov) va tuman soliq inspeksiya boshlig'i (A.Yusupov), tuman hokimligi bilan birgalikda tumanda sug'orishga sarflanayotgan suv hajmlari bo'yicha aniq hisob-kitoblar yuritgan holda mazkur iste'mol hajmlari bo'yicha suv resurslaridan foydalanganlik uchun soliqlarni to'liq hisoblanishini hamda moliya yili yakuniga qadar mahalliy budjetlarga to'liq undirib olish choralarini ko'rsin.

-Bunda, qishoq xo'jaligi korxonalarini tomonidan iste'mol qilinayotgan suv resurslari hajmlari va ushbu hajmlar bo'yicha hisoblanayotgan suv soliqlari bo'yicha doimiy tahlillar o'tkazishga alohida e'tibor qaratilsin.

21. Tuman ichki ishlar boshlig'i (I.Qutlimuradov), tuman yo'l harakati xavfsizligi boshlig'i (SH.Xolmatov), Majburiy ijro byurosi Koson tuman bo'linmasi (X.Gulmanov), Davlat xizmatlari agentligi tuman boshlig'i (Q.Gadoyev) hisoblangan boj, jarima va yig'implarni o'z vaqtida o'rnatilgan tartibda budjetga undirish choralarini ko'rib borsin.

22. Xalq deputatlari tuman Kengashining mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasiga:

-mahalliy budjetning qo'shimcha manbalaridan foydalanish to'g'risidagi Kengash qarori loyihasini budjet qonunchiligiga to'liq rioya etgan holda ishlab chiqish;

-Kengash qarori asosida mahalliy budjetning qo'shimcha manbalari hisobidan ajratilgan mablag'larni samarali va maqsadli foydalanishi ustidan nazorat o'rnatish, tavsiyalar berish va monitoring qilish;

-mahalliy budjet xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo'naltirilishida ishtirok etish va ushbu mablag'larning maqsadli sarflanishi ustidan nazoratni amalga oshirish vazifasi topshirilsin.

23. Tuman hokimligiga:

-Tuman mahalliy budjetini jami xarajatlarining 10 foizi hamda shakllangan qo'shimcha mablag'larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun "Fuqarolar tashabbusi jamg'armasi"ga yo'naltirishni;

-bunda, xalq deputatlari tuman Kengashi, yoshlar ishlar agentligi, tuman hokimligi huzuridagi jamoatchilik Kengashi hamda hokim yordamchilari budjet jarayonida fuqarolarning faol ishtirokini ta'minlash maqsadida aholiga keng targ'ibot-tashviqot ishlarini olib borishni tavsiya etish;

-mahalliy budjetlarning qo'shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta'mirlash ishlari olib borilayotgan obektlar ro'yxati, shuningdek qurilish-ta'mirlash ishlarining moliyalashtirilishi to'g'risidagi ma'lumotlar har

chorak yakunlariga ko'ra, keyingi chorak birinchi oyining 10 sanasiga qadar majburiy tartibda tegishli hokimlik rasmiy veb-saytlariga joylashtirib borish topshirilsin.

24. Tuman hokimining birinchi o'rinbosari (X.Nazarov), tuman soliq inspeksiya boshlig'i (A.Yusupov) va tuman iqtisodiyot va moliya bo'limi mudiri (SH.Safarov) tegishli tashkilotlar bilan birgalikda:

-mahalliy budjet daromad va xarajatlarining prognoz ko'rsatkichlari bajarilishi hamda soliq bazasini kengaytirish yuzasidan ko'rilgan chora-tadbirlar;

-ajratilgan budjet mablag'laridan maqsadli va samarali foydalanishi yuzasidan erishilgan natijalar bo'yicha xalq deputatlari tuman Kengashiga har chorakda kamida bir marotaba hisobot kiritib borsin.

25. Qaror rasmiy gazetalar hamda veb-saytlarga joylashtirish tuman hokimligi matbyot xizmati (D.Nabiyev)ga topshirilsin.

26. Mazkur qarorning bajarilishini nazorat qilish xalq deputatlari tuman Kengashining mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasi raisi D.Xo'jayorov hamda tuman hokimining birinchi o'rinbosari X.Nazarov zimmasiga yuklatilsin.

27. Mazkur qaror qabul qilinishi munosabati bilan Xalq deputatlari Koson tuman Kengashining 2022 yil 30 dekabrda VI-83-156-4-60-K/22- sonli qarori 2024 yil 1 yanvardan o'z kuchini yo'qotgan hisoblansin.

28. Ushbu qaror rasmiy e'lon qilingan kundan boshlab kuchga kiradi.

Kengash raisi



A.Boykaraev

Xalq deputatlari Koson tuman
Kengashining
2023-yil 30-dekabrda
VI-98-260-4-60-K/23-son qaroriga
1-ilova

**Koson tumani mahalliy budjeti daromadlarining 2024 yildagi asosiy prognoz
ko'rsatkichlari**

		ming so'mda
№	Vid doxodov	Koson tumani
I.	Rag'batlantiruvchi (Stimuliruyishiye) daromad	86 122 000,0
1	Jismoniy shaxslardan olinadigan daromad solig'i	86 122 000,0
	Meyoriy ajratma	100,0
	Mahalliy budjetga	86 122 000,0
2	Yuridik shaxslardan olinadigan foyda solig'i	15 545 000,0
	Meyoriy ajratma	
	Mahalliy budjetga	0,0
II.	Biriktirilgan daromadlar	112 313 397,0
1	Aylanmadan olinadigan soliq to'lovi	8 815 897,0
2	Tadbirkorlik faoliyatining ayrim turlari bo'yicha qat'iy belgilangan soliq	2 522 000,0
3	Benzin, dizel yoqilg'isi va gaz realizatsiyasidan aksiz soliq	14 443 000,0
	Meyoriy ajratma	100,0
	Mahalliy budjetga	14 443 000,0
4	Yuridik shaxslarning mol-mulkiga solinadigan soliq	7 755 000,0
	Meyoriy ajratma	100,0
	Mahalliy budjetga	7 755 000,0
5	Jismoniy shaxslarning mol-mulkiga solinadigan soliq	14 243 000,0
6	Yuridik shaxslar yer solig'i	15 575 000,0
	Meyoriy ajratma	100,0
	Mahalliy budjetga	15 575 000,0
	Jismoniy shaxslardan olinadigan yer solig'i	21 189 000,0
7	Yer qo'riqidan foydalanganlik uchun soliq (noruda materiallari)	26 000,0
8	Suv resurslaridan foydalanganlik uchun soliq	2 096 000,0
9	Boshqa soliqsiz tushumlar	25 648 500,0
	Yig'imlar	8 130 000,0
	Meyoriy ajratma	100,0
	Mahalliy budjetga	8 130 000,0
	Davlat boji	8 809 000,0
	Meyoriy ajratma	100,0
	Mahalliy budjetga	8 809 000,0
	Ijara to'lovi	277 000,0
	Jarimalar	7 673 000,0
	Xususiy lashtirish	759 000,0
	Meyoriy ajratma	50,0
	Mahalliy budjetga	379 500,0
	Davlat tashkilotlarining sof foydasidan daromad	380 000,0
	Boshqa tushumlar	
III.	Viloyat va tuman (shahar)lar budjetlari o'rtasida taqsimlanadigan daromadlar	0,0
	Aholi soni (ming kishi)	
1	Alkogolga aksiz solig'i (shu jumladan pivo)	
2	Mobil aloqaga aksiz solig'i	
3	Tamaki mahsulotlariga aksiz solig'i	
IV.	JAMI MAHALLIY BUDJET DAROMADLARI	198 435 397,0
V.	JAMI MAHALLIY BUDJET XARAJATLARI	250 598 687,0
VI.	TRANSFERT	52 163 290,0
	Transfertning xarajatdagi ulushi	20,8
	Ijro dekabr xolatiga	159 752 990
	Ijroga nisbatan farki	124

Xalq deputatlari Koson tuman
Kengashining
2023-yil 30-dekabrdagi
VI-98-260-4-60-K/23-son qaroriga
2-ilova

**Koson tuman bo'yicha yuridik va jismoniy shaxslar uchun belgilangan yer solig'i
bazaviy stavkalariga qo'llaniladigan koyeffitsenti**

Shahar va tumanlar	Yuridik shaxslar uchun yer solig'i stavkasi		Jismoniy shaxslar uchun yer solig'i stavkasi	
	Koyeffitsent miqdori	Soliq summasi (1 gektar uchun, so'mda)	Koyeffitsent miqdori	Soliq summasi (1 kv.m uchun, so'mda)
Koson tumani	0,90	28 800 000,0	0,86	246,0

Xalq deputatlari Koson tuman
Kengashining
2023-yil 30-dekabrda
VI-98-260-4-60-K/23-son qaroriga
3-ilova

**2024 yil uchun Koson tumani budjetidan hududiy budjet mablag'larini
taqsimlovchilarga ajratiladigan mablag'larning cheklangan miqdorlari**

		ming so'mda
Ko'rsatkichlar		
		Koson tumani
	Xarajatlar - jami	250 598 687,0
1.	Ijtimoiy soha va aholini ijtimoiy qo'llab-quvvatlashga xarajatlar - jami	165 677 549,0
1.1	Muorif	32 110 000,0
	- maktabgacha ta'lim	17 549 000,0
	- umumiy ta'lim	14 561 000,0
1.2	Sog'liqni saqlash	124 918 000,0
1.3	Madaniyat	1 502 674,0
1.4	Sport	6 878 000,0
1.10	Ozodlikdan mahrum etish jazosini o'tab bo'lgan fuqarolarga «dastlabki ijtimoiy-moddiy yordam paketi»	28 875,0
1.15	Ijtimoiy ko'nikma markazlari	240 000,0
2.	Iqtisodiyotga xarajatlar	25 941 087,0
2.1	Ichki xo'jalik avtomobil yo'llarni ta'mirlash xarajatlari	4 000 000,0
2.3	Obodonlashtirish	12 409 087,0
2.9	Suv xo'jaligi vazirligi tashkilotlari	3 061 000,0
2.14	Fermerlar buxgaltenriyasini saqlash xarajatlari	1 199 000,0
2.17	Veterinariya qo'mitasi	1 696 000,0
2.20	"Mahalla budjeti" jamg'armasi mablag'lari	3 576 000,0
3.	Markazlashtirilgan investitsiyalarni moliyalashtirishga xarajatlar	0,0
5.	Davlat boshqaruv organlarini saqlash	32 563 000,0
8.	Zahira jamg'armasi	2 241 816,0
9.	Fuqarolar tashabbusi jamg'armasi	24 175 235,0
9.1	Tashabbusli budjet tadbirlari	24 175 235,0
10.	Boshqa xarajatlar	0

Xalq deputatlari Koson tuman
Kengashining
2023-yil 30-dekabrdagi
VI-98-260-4-60-K/23-son qaroriga
4-ilova

Umumdavlat soliqlaridan shahar va tumanlar mahalliy budjetlariga 2024 yildagi ajratmalari
meyorlari

foiz hisobida

T/R	Shaxar va tumanlar nomi	Yuridik shaxslardan olinadigan foyda solig'i	Aylanmadan olinadigan soliq	Jismoniy shaxslardan olinadigan daromad solig'i	Yakka tartibdagi tadbirkorlar uchun jismoniy shaxslardan olinadigan daromad solig'i	Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i	Yuridik shaxslarning mol-mulkiga solinadigan soliq	Jismoniy shaxslarning mol-mulkiga solinadigan soliq	Yuridik shaxslar yer solig'i	Jismoniy shaxslardan olinadigan yer solig'i
1	Koson tumani	0	100	100	100	100	100	100	100	100

T/R	Shaxar va tumanlar nomi	Yer qariidan foydalanganlik uchun soliq (noruda materiallari)	Suv resurslaridan foydalanganlik uchun soliq	Davlat boji	Jarimalar	Yig'imlar	Davlat unitar korxonalarining sof foydasidan ajratma	Davlat mulki bo'yicha ijara to'lovlari	Xususiy tash-tirish	Boshqalar
1	Koson tumani	100	100	100	100	100	100	100	50	0

Xalq deputatlari Koson tuman
Kengashining
2023-yil 30-dekabrdagi
VI-98-260-4-60-K/23-son qaroriga
5-ilova

**Tuman mahalliy budjetlarining
2024 yil daromadlari va xarajatlariing chegaraviy hajmi**

ming soʻmda

Budjetlar nomi	Daromad *	Xarajat
JAMI	198 435 397,0	250 598 687,0
Koson tumani	198 435 397,0	250 598 687,0

** mobil aloqa xizmatlari uchun, alkogol maxsulotlari, shu jumladan pivo va tamaki mahsulotlari uchun aksiz soligʻidan tushumlar boʻyicha oʻtkazib beriladigan daromadlar bilan birgalikda.*

Xalq deputatlari Koson tuman
Kengashining
2023-yil 30-dekabrdagi
VI-98-260-4-60-K/23-son qaroriga
6-ilova

**Tuman mahalliy budjetlarining 2024 yilgi yuqori budjetdan ajratiladigan tartibga
soluvchi budjetlararo transfertlar miqdorlari**

ming so'mda

Shahar va tumanlar	Tartibga soluvchi transfert miqdori
JAMI	52 163 290,0
<i>shundan</i>	
Koson tumani	52 163 290,0

Xalq deputatlari Koson tuman
Kengashining
2023-yil 30-dekabrdagi
VI-98-260-4-60-K/23-son qaroriga
7-ilova

**Tuman mahalliy budjetida
2024 yilda yo‘l qo‘yiladigan eng kam mablag‘lar miqdori**

ming so‘mda		
T/r	Hudud nomi	Miqdor
	JAMI	1 505 453,0
	<i>shundan</i>	
1	Koson tumani	1 505 453,0